

Ուստի և գարմանալի չէ, որ անկախութեան առաջին օրերից հէնց նրանք սկսել էին մտածել «ինքնորոշման», իրենց քաղաքական դիրքն ու ընթացքը որոշելու մասին: Այդ նպատակին ծառայեց Արևմտահայ Երկրորդ Համազումարը, Երևանում, փետր. 6—13-ին:

Համազումարը ծրագրուեց միջկուսակցական մի շարք խորհրդակցութիւնների մէջ, ուր դեկտ. 19-ին կազմուեց Համազումարի կազմակերպիչ կոմիտէ: Այս վերջինիս գիմումի վրա՝ Հայ. Խորհուրդը դեկտ. 28-ին տրամադրեց 35,000ռ. Համազումարի կարիքների համար: Համազումարը ենթադրուում էր բանալ յունու. 25-ին, բայց շրջանների պահանջով՝ յետաձգուեց տասն օրով: Խորհրդակցութիւնների մէջ կազմուել էր հետևեալ օրակարգը.

«1. Արևմտեան Հայաստանի դաղթական հայութեան քաղաքական նպատակներու ձևակերպումն ու արտայայտութիւնը:

2. Արևմտեան Հայաստանի դաղթական հայութեան ներդաղթի խնդիրը և կազմակերպութիւնը:

3. Արևմտեան Հայաստանի դաղթական հայութեան ներկայացուցչական և հաշտարարի մարմնի ընտրութիւնը»:

Համազումարը կազմուեց ժողովրդական քեօարկութեամբ՝ երկաստիճան ընտրական սկզբունքով: Համազումարը ներկայացնում էր հետևեալ կազմը*):

Երևան՝ 31,700 դաղթական — 8 պատգամաւոր. Հ. Կոստյան, Զ. Կորկոտեան, Հ. Հայրապետեան, Հ. Կարինեան, Ռ. Շատուրեան, Ե. Ալեքսանեան, Մ. Մալոյեան, Ա. Աւետիսեան:

Էջմիածին՝ 46,600 դաղթական — 3 պատգ. Եգնիկ վարդ. Ներկարարեան, Յ. Մուրոյեան, Վ. Համբարձումեան:

Աշտարակ՝ 12,880 դաղթական — 2 պատգ. Գ. Ոսկերչեան, Ռ. Թերլեմեղեան:

Ծաղկաձոր՝ 23,750 դաղթական — 5 պատգ. Տ. Ղիմոյեան, Շ. Բասենցեան, Տ. Թերլեմեղեան, Մ. Մանուկեան, Հ. Արբահամեան:

Կոտայք՝ 17,570 դաղթական — 5 պատգ. Ա. Մանուկեան, Շ. Շաբանբէյեան, Ա. Ղուկասեան, Ս. Գալստեան, Յ. Շահբաղեան:

Սուրմալու՝ 25,700 դաղթական — 4 պատգ. Ա. Միրզոյեան, Օ. Ղորղանեան, Թէֆուր բէգ և Թեմուր աղա:

Միլի Ձոր՝ 10,670 դաղթական — 1 պատգ. Ա. Մխիթարեան:

Ալեքսանդրապոլ՝ 10,000 դաղթական — 1 պատգ. Ս. Խալոյեան:

Դիլիջան՝ 12,000 դաղթական — 2 պատգ. Վ. Առաքելեան, Ղ. Յովսէփեան:

Բաշ-Գեառնի՝ 5000 դաղթական — 1 պատգ. Մ. Դարմանեան:

*) Բոլոր քաղաքները առնուով եմք «Համառոտ տեղեկագիր Արևմտահայ Երկրորդ Համազումարի, 1919թ. Թիֆլիս. հրատ. Արևմտահայ Գործադիր Մարմնի» գրքոյկից: